



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 03-49-1-630-18-2/13  
Datum: 18.09.2013. godine

**PREDMET** Konkurentski zahtjev za dostavu ponuda za izradu **Glavni - Izvedbeni projekat primarnih kolektora sistema prikupljanja i odvodnje otpadnih voda na području općine Tešanj .-**

Poštovani,

U ime Općine Tešanj pozivam Vas da dostavite ponudu u postupku konkurentskog zahtjeva za dostavu ponuda. Procedura javne nabavke će se obaviti u skladu sa Zakonom o javnim nabavkama Bosne i Hercegovine ("Službeni glasnik BiH", broj: 49/04, 19/05, 52/05, 8/06, 24/06, 70/06, 12/09 i 60/10), podzakonskim aktima koji su doneseni u skladu sa Zakonom i ovom tenderskom dokumentacijom.

### **1. Predmet nabavke**

- 1.1. Predmet nabavke je izrada **Glavni - Izvedbeni projekat primarnih kolektora sistema prikupljanja i odvodnje otpadnih voda na području općine Tešanj** u skladu sa obrascem za cijenu koji je prilog ovog Zahtjeva.
- 1.2. Rok za izvođenje usluge izrade projekta je 180 (stoosamdeset) dana od dana dodjele ugovora.
- 1.3. Mjesto isporuke je zgrada Općine Tešanj.

### **2. Uslovi za učešće i potrebni dokazi**

- 2.1 Da bi učestvovali u proceduri javnih nabavki ponuđači trebaju ispunjavati sljedeće uslove:
  - a) - da je ponuđač registrovan za obavljanje predmetne djelatnosti  
**DOKAZ:** Ovjerena kopija rješenja o upisu u sudski registar kao i kopija Rješenja o ovlaštenju Federalnog ministarstva poljoprivrede, šumarstva i vodoprivrede da se ponuđač nalazi na A listi,
  - b) - da nema smetnji za njegovo učešće u smislu odredbi člana 23. Zakona o javnim nabavkama  
**DOKAZ:** Izjava za stavke pod a, b, c i d iz člana 23. Zakona.
  - c) - da je ispunio obavezu u vezi sa plaćanjem doprinosa i poreza u skladu sa relevantnim zakonskim odredbama,  
**DOKAZ:** Potvrda nadležne poreske uprave, ne starija od 3 mjeseca.

- d) - ekonomsko i finansijsko stanje treba garantirati ispravno izvršenje ugovora, **DOKAZ:** Potvrda poslovne banke o solventnosti ponuđača u posljednjih (6 ) mjeseci prije dostavljanja ponude, te dokaz o pozitivnom bilansu uspjeha za 2012. godinu,
- e) izjava o opciji ponude 60 dana od dana dostavljanja ponude,
- f) popunjena i potpisana originalna prijava sa uslovima koji su navedeni u prijavi , a koja se nalazi u prilogu ovog zahtjeva.

2.2 Dobavljači trebaju uz ponudu dostaviti dokumentaciju kojom potvrđuju da ispunjavaju uvjete tražene konkurentskim zahtjevom za dostavu ponuda.

## 2. Zahtjevi po pitanju jezika

Ponuda, svi dokumenti i prepiska u vezi sa ponudom između dobavljača i ugovornog organa moraju biti napisani na jednom od službenih jezika u Bosni i Hercegovini. Prateća dokumentacija i štampana literatura koju dostavi dobavljač mogu biti napisani na drugom jeziku, u međunarodnoj upotrebi, pod uslovom da se uz njih dostavi zvaničan prijevod relevantnih dijelova na jeziku na kojem je napisana ponuda.

## 3. Priprema ponuda

- 3.1. Dobavljači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove. Alternativna ponuda nije dozvoljena. Ukoliko ponuđač ponudi alternativnu ponudu, ista neće biti razmatrana i bit će odbijena. Period važenja ponuda je 60 (šezdeset) dana nakon krajnjeg roka za podnošenje ponuda. Za navedeni period ponuđač će u svojoj ponudi dostaviti **Izjavu kojom se (između ostalog) potvrđuje da dobavljač ima obaveze prema svojoj ponudi** u trajanju od 60 dana od zadnjeg datuma roka za dostavljanje ponuda. Ukoliko se za to ukaže potreba, ugovorni organ će pismenim putem zahtijevati od ponuđača da produže period važenja ponuda do određenog datuma. Lice koje je ovlašteno da vodi komunikaciju u ime ugovornog organa sa dobavljačima je Ismar Alagić, tel.: 032/650-022.
- 3.2. Ponude se dostavljaju na slijedeću adresu: Općina Tešanj, Trg Alije Izetbegovića br. 11, 74260 Tešanj. Original i sve kopije ponude trebaju biti otkucani ili napisani neizbrisivom tintom. Svi listovi ponude moraju biti čvrsto uvezani, sa označenim stranicama. Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju dobavljača. Sve dopune i izmjene ponude moraju biti čitljive i parafirane od ovlaštenih osoba. Osim toga, u slučaju da ponudu dostavlja grupa ponuđača, uz ponudu se mora dostaviti i punomoć kojom se navedene osobe ovlašćuju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora).
- 3.3. Dobavljač će dostaviti jednu ponudu u originalu i jednu kopiju na kojima će čitko napisati: "ORIGINAL PONUDA" i "KOPIJA PONUDE". Ponuda i njena kopija sa pečatom ili potpisom trebaju biti zapečaćene u jednoj neprovidnoj koverti i sa imenom i adresom dobavljača, na kojoj će pisati slijedeće riječi: : PONUDA ZA "**Glavni - Izvedbeni projekat primarnih kolektora sistema prikupljanja i odvodnje otpadnih voda na području općine Tešanj " – NE OTVARATI"**".
- 3.4. Dobavljači mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Ugovorni organ mora biti obaviješten u pisanoj formi i o izmjenama i o povlačenju ponude prije isteka roka za podnošenje ponuda. Izmjena ili povlačenje ponude mora biti izvršena u skladu sa tačkom 4.3. Osim toga, na koverti u kojoj se nalazi izjava dobavljača treba pisati slijedeće: "IZMJENE PONUDE" ili "POVLAČENJE PONUDE".

#### **4. Rok za dostavljanje ponuda**

Rok za dostavljanje ponuda ističe 01.10.2013. godine u 11.00 sati.  
Otvaranje će biti javno i održat će se 01.10.2013. godine u 12.30 sati. u Sali općinskog vijeća.

#### **5. Kriterij dodjele ugovora i cijena**

Ugovor se dodjeljuje dobavljaču na osnovu kriterija najniže cijene tehnički zadovoljavajuće ponude. Dobavljači mogu ponuditi samo jednu cijenu i ne mogu je mijenjati. O cijeni se neće pregovarati. Sve cijene u ponudi moraju biti izražene u konvertibilnim markama (KM). Cijena navedena u ponudi neće se mijenjati u toku izvršenja ugovora i ne podliježe bilo kakvim promjenama. U cijenu su uključeni svi pripadajući porezi.

#### **6. Obavještenje o dodjeli**

Dobavljači će biti obaviješteni o rezultatima postupka za dodjelu ugovora, u svakom slučaju, najkasnije u roku od 7 (sedam) dana od dana donošenja odluke o izboru najpovoljnijeg dobavljača. Termin zaključenja ugovora odredit će ugovorni organ u okviru perioda važenja ponude.

#### **7. Informacije o zaštiti prava dobavljača**

U slučaju da je ugovorni organ u toku postupka javne nabavke izvršio povredu odredbi Zakona ili podzakonskih akata, imate pravo uložiti prigovor ugovornom organu, u pismenoj formi, u roku od 5 (pet) dana od dana prijema obavijesti o rezultatima, odnosno od dana kada ste saznali za povredu, ali ne kasnije od 1 (jedne) godine od dana kada je navodna povreda učinjena.

#### **PRILOG:**

Slijedeći aneksi su sastavni dio konkurentskog zahtjeva za dostavu ponuda:

Aneks 1: Obrazac za dostavljanje ponude

Aneks 2: Projektni zadatak

Aneks 3: Spisak povjerljivih informacija

Aneks 4: Nacrt ugovora

#### **DOSTAVLJENO:**

1. ponuđačima
2. arhiva

**OPĆINSKI NAČELNIK**

---

**mr.sc. Suad Huskić, profesor**

